



**ZAPISNIK O RADU 64. SJEDNICE**  
**KOLEGIJA GRADSKOG VIJEĆA GRADA SARAJEVA**  
*ODRŽANE 21.11.2024. GODINE*

Broj: 01-GV-02-1491/24  
Sarajevo, 21.11.2024. godine

Prisutni:

1. Jasmin Ademović, predsjedavajući Gradskog vijeća
2. Mirela Džehverović, zamjenica predsjedavajućeg Gradskog vijeća
3. Srđan Simonović, zamjenik predsjedavajućeg Gradskog vijeća
4. Alen Girt, predsjedavajući Kluba gradskih vijećnika Naše stranke
5. Muamer Mekić, predsjedavajući Kluba gradskih vijećnika Socijaldemokratske partije BiH
6. Vedad Deljković, predsjedavajući Kluba gradskih vijećnika „Deljković-Simonović“
7. Samir Bejić, predsjedavajući Kluba gradskih vijećnika „Danijela Šahat-Samir Bejić“
8. Bajro Biber, predsjedavajući Kluba gradskih vijećnika „USD-BOSS“
9. Enisa Spahić, predsjedavajuća Kluba gradskih vijećnica „Enisa Spahić-Amra Zulfikarpašić“
10. Seid Škaljić, predsjedavajući Kluba gradskih vijećnika „Seid Škaljić - Željko Majstorović“
11. Elvedin Korora, zamjenik predsjedavajućeg Kluba gradskih vijećnika „Korora/Skorupan“
12. Srđan Srdić, zamjenik predsjedavajućeg Kluba gradskih vijećnika „SMS-Savez za Stari Grad-Srđan Srdić“
13. Mila Eminović, sekretar Gradskog vijeća

Odsutan: Toni Vukadin, predsjedavajući Kluba gradskih vijećnika Naroda i Pravde

Sjednici je prisustvovala Aida Bajramović, sekretarka organa uprave.

Sjednici su prisustvovala Mirjana Đanović Stanić, rukovodilac Stručne službe za poslove Gradskog vijeća Grada Sarajeva, Nejra Selimović, šef Odjeljenja za kabinetske poslove u Stručnoj službi za poslove Gradskog vijeća Grada Sarajeva i Zinaida Beširević, šef Odjeljenja za stručne poslove u Stručnoj službi za poslove Gradskog vijeća Grada Sarajeva.

**Jasmin Ademović, predsjedavajući Gradskog vijeća** je otvorio sjednicu u 14.09 sati, pozdravio prisutne, te konstatovao kvorum za punovažan rad i odlučivanje.

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, bez rasprave, **jednoglasno, je usvojio** Zapisnik o radu 63. sjednice Kolegija Gradskog vijeća, održane 12.11.2024. godine.

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, bez rasprave, **jednoglasno, je usvojio** dnevni red 64. sjednice Kolegija Gradskog vijeća, tako da glasi:

1. Razmatranje potrebe odlučivanja o vršiocu dužnosti gradonačelnika Grada Sarajeva
2. Tekuća pitanja



## Ad 1)

### Razmatranje potrebe odlučivanja o vršiocu dužnosti gradonačelnika Grada Sarajeva

U uvodnim napomenama, **Jasmin Ademović, predsjedavajući Gradskog vijeća** je upoznao članove Kolegija da se, od sjednice Gradskog vijeća sa koje su povučene predložene odluke o vršiocu dužnosti gradonačelnika Grada Sarajeva, situacija promijenila.

U međuvremenu je Samir Avdić, zamjenik gradonačelnice Grada Sarajeva, prihvatio mandat općinskog vijećnika, i o tome je jučer obavijestio Gradsko vijeće i istovremeno podnio ostavku na mjesto zamjenika Gradonačelnika.

Dakle, i njemu je kao i Benjamini Karić u skladu sa Zakonom, ovim činom, prestao mandat zamjenika Gradonačelnika.

Upoznao je članove Kolegija da je, s tim u vezi Mandatno-imunitetska komisija na današnjoj sjednici, pripremila Obavještenje o prestanku mandata Samiru Avdiću, zamjenika gradonačelnice Grada Sarajeva, i ono će, zajedno sa njegovom ostavkom biti dostavljeno Gradskom vijeću kao informativni materijal.

Također je upoznao članove Kolegija da bi, na sjednici Administrativne komisije koja će se održati neposredno nakon 64. sjednice Kolegija Gradskog vijeća, Administrativna komisija trebala donijeti rješenja o prestanku radnog odnosa u Gradu Sarajevu Benjamini Karić i Samiru Avdiću.

Gradsko vijeće je u situaciji da mora obezbjediti funkciju izvršnog organa Grada Sarajeva što je moguće prije.

**Jasmin Ademović, predsjedavajući Gradskog vijeća** je istakao da se nakon održane 45. sjednice Gradskog vijeća pristupilo održavanju konsultacija između šefova klubova vladajuće većine u Gradskom vijeću te da je zajednički odlučeno da će, obzirom na novonastalu situaciju u kojoj je Grad Sarajevo ostao i bez gradonačelnika i jednog od zamjenika gradonačelnika, a cijeneći činjenicu da će i drugi zamjenik gradonačelnika biti odsutan iz države u narednom periodu, biti najsvrsishodnije, a ujedno i u skladu sa Statutom Grada Sarajeva pristupiti izboru novog kako gradonačelnika tako i zamjenika gradonačelnika čime će se do kraja mandata aktuelnog saziva Gradskog vijeća osigurati kontinuitet izvršnog organa u Gradu Sarajevu, a time i funkcionisanje Grada Sarajeva.

Zatim je predložio da se 46. sjednica Gradskog vijeća održi u utorak 26.11.2024. godine u 15,00 sati, a da će dnevni red predložiti na samoj sjednici, u skladu sa članom 70. stav (6) Poslovnika Gradskog vijeća Grada Sarajeva.

U raspravi koja je uslijedila učestvovali su članovi Kolegija **Alen Girt, Mila Eminović, sekretar Gradskog vijeća, Mirela Džehverović, zamjenica predsjedavajućeg Gradskog vijeća, Vedad Deljković i Jasmin Ademović, predsjedavajući Gradskog vijeća**.

Nakon rasprave, na prijedlog **Jasmina Ademovića, predsjedavajućeg Gradskog vijeća, Kolegij Gradskog vijeća, većinom glasova**, izjasnivši se sa **12 glasova „za“, bez glasova „protiv“ i jednim „suzdržanim“ glasom je usvojio** sljedeći **zaključak**:

- 46. sjednica Gradskog vijeća će se, u skladu sa članom 70. stav (6), održati **u utorak 26.11.2024. godine u Vijećnici sa početkom u 15.00 sati**.
- Predsjedavajući Gradskog vijeća će dnevni red sjednice predložiti na samoj sjednici.

## Ad 2) Tekuća pitanja

### I

**Jasmin Ademović, predsjedavajući Gradskog vijeća** je podsjetio da je gradski vijećnik Adi Škaljić podnio ostavku na mandat gradskog vijećnika ali da od Centralne izborne komisije Bosne i Hercegovine, do danas, nije dostavljena Odluka o prestanku mandata.

Također je upoznao članove Kolegija da je, s tim u vezi, Klub gradskih vijećnika Naše stranke uputio prijedlog za razrješenje Adija Škaljića dužnosti člana Komisije za izbor i imenovanja i predložio gradskog vijećnika Roberta Pleše za člana Komisije za izbor i imenovanja.

Pojasnio je da bi Odbor za dodjelu „Šestoaprilske nagrade Grada Sarajeva“ u 2025. godini trebao početi sa radom sljedeće sedmice, a predsjedavajući Komisije za izbor i imenovanja je uvijek i predsjedavajući Odbora, te je potrebno što prije izvršiti ovu zamjenu u Komisiji za izbor i imenovanja.

S tim u vezi, prijedlog Naše stranke će se uputiti Komisiji za izbor i imenovanja, kao ovlaštenom predlagачu, koja bi trebala, u što kraćem roku, utvrditi prijedlog odluke o razrješenju člana Komisije za izbor i imenovanja i izboru novog člana Komisije za izbor i imenovanja.

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, bez rasprave, **jednoglasno, je usvojio** sljedeći **zaključak**:

Na 46. sjednici Gradskog vijeća, koja će se održati u utorak 26.11.2024 godine, razmatrat će se Prijedlog Odluke o razrješenju člana radnog tijela Gradskog vijeća Grada Sarajeva (Komisija za izbor i imenovanja) i Prijedlog Odluke o izboru člana radnog tijela Gradskog vijeća Grada Sarajeva (Komisija za izbor i imenovanja), ukoliko Komisija za izbor i imenovanja, kao ovlašten predlagач, utvrdi prijedloge navedenih odluka na sjednici koja će se održati u pripremi 46. sjednice Gradskog vijeća.

**Jasmin Ademović, predsjedavajući Gradskog vijeće** je upoznao članove Kolegija da će se na 46. sjednici Gradskog vijeća u prijedlog dnevnog reda uvrstiti i tačka: Vijećnička pitanja i inicijative.

### II

**Jasmin Ademović, predsjedavajući Gradskog vijeća** je podsjetio članove Kolegija da je dostavljen protokol obilježavanja Dana državnosti Bosne i Hercegovine.

Naglasio je da priznanja koja je Gradsko vijeće donijelo u oktobru mjesecu neće biti uručena 25.11.2025. godine, uz obrazloženje da se Svečana akademija održava kao zajednička, u organizaciji Kantona Sarajevo te da će se ova priznanja uručiti na Svečanoj sjednici u povodu 6. aprila - Dana Grada Sarajeva.

\*\*\*\*\*

Obzirom da pod ovom tačkom dnevnog reda nije bilo novih prijedloga za raspravu, **Jasmin Ademović, predsjedavajući Gradskog vijeća** je zaključio sjednicu Kolegija Gradskog vijeća u 14.40 sati.

*SEKRETAR GRADSKOG VIJEĆA*

*Mila Eminović, s.r.*

*PREDSJEDAVALJUĆI GRADSKOG VIJEĆA*

*Jasmin Ademović, s.r.*